

90 Staðfesting konungs á skipulagsskrá fyrir »Minningarsjóð Guðmundar
 7. sept. Jónssonar frá Grænavatni«, útgefin á venjulegan hátt að mandatum af ráðherra Íslands 7. septbr. 1909, skipulagsskráin er þannig:

Skipulagsskrá

fyrir Minningarsjóð Guðmundar Jónssonar frá Grænavatni.

1. gr.

Sjóðurinn heitir »Minningarsjóður Guðmundar Jónssonar« og er stofnaður af þeim hjónum, Guðmundi Jónssyni og Guðfinnu Guðnadóttur, með eitt þúsund krónum hinn 3. maí 1908.

2. gr.

Sjóður þessi skal settur á vöxtu og ekki skertur nje vextirnir fyrr en hann hefir aukist svo, að hægt sje að veita af ársvöxtum hans 50,00 krónur, skal jafnframt sjeð svo fyrir, að eitthvað af vöxtunum leggist við höfuðstólinn. Þegar sjóðurinn hefir vaxið svo, að 50 krónur eru hálfir ársvextir, þá skal þareftir veita helming vaxtanna á ári hverju, en hinn helmingurinn leggist við höfuðstól. Þegar svo er komið, að helmingur ársvaxtanna er 120 krónur, þá skulu veitt af honum tvenn verðlaun, þannig, að fyrstu verðlaun sje helmingi hærri en önnur. Hin helft vaxtanna legst sem áður við höfuðstólinn.

3. gr.

Tilgangur sjóðsins er að verðlauna fyrir unnið starf að grasrækt, sjerstaklega túnaukning og meðferð og hagnýtingu áburðarefna.

4. gr.

Verksvið sjóðsins er Skútustaðahreppur, eins og takmörk hans eru nú.

5. gr.

Hreppsnefndin í Skútustaðahreppi hefir umsjón sjóðsins og skal hreppsfjelagið ábyrgjast, að hann glatist eigi.

Hreppsnefndin skal ávaxta sjóðinn á sem bestum vaxtastöðum, þartil hann tekur til starfa; en þá skal hann lagður í Söfnunarsjóð Íslands, eður annan jafntýggan stað, til vaxta og geymslu. Hreppsnefndin skal semja árlega reikning yfir efnahag sjóðsins, og senda afrit hans sýslunefndinni í Suður-Pingeyjar-sýslu — eður þeirri stofnun, sem koma kynni í hennar stað — til eftirlits.

6. gr.

90

Umsókn um verðlaun úr sjóði þessum skal senda til hreppsnefndar fyrir 7. sept. árslok, þurfa hverri umsókn að fylgja vottorð tveggja kunnugra og óvilhallra manna, að rjett sje frá skýrt. Hreppsnefndin í Skútustaðahreppi, og það þeirra hjónanna, er á lífi kann að verða, metur hver henni þykir best hafa unnið til verðlauna, og skal þá meira metið áhugi og atorka þess, er efnalitill er og við meiri örðugleika hefir strítt, til þess að koma á endurbótum sínum, heldur en þó jafnmikið — eður nokkru meira — sje unnið af þeim, sem hefir afstöðuna ljettari. Eigi má miða verðlaunin við lengri tíma en síðustu tvö árin.

7. gr.

Þyki hreppsnefndinni eigi neinn umsækjenda hafa unnið til þess að hljóta verðlaun, skulu allir vextir fyrir það ár leggjast við höfuðstólinn.

8. gr.

Eftir að sveitarstjórn Skútustaðahrepps hefir tekið að sjer umsjón þá, sem henni er falin með skipulagsskrá þessari, beiðast semjendur hennar staðfestingar konungs á hana. Undirritaðir semjendur skipulagsskrár þessarar, eru kjörnir til þess starfa af sjóðsstofnendunum, báðum hjónunum í sameiningu.

Litluströnd, 21. nóvember 1908.

Jón Stefánsson. Steinþór Björnsson. Sigurður Jónsson.

Breyting

á

Reglugjörð

91

um lækning hunda af bandormum o. fl. í Dalasýslu.

2. ágúst

1. gr.

Í hverjum hreppi sýslunnar skal hreppsnefndinni falið að hafa eftirlit með því, að hlýtt sje fyrir mælum 5. gr. í lögum nr. 18, 22. maí 1890, og sjá hundalækni fyrir hæfilega mörgum lækningastöðum í hreppnum.

2. gr.

Sýslunefndin ræður áreiðanlegan mann til að framkvæma lækning hunda af bandormum í sýslunni, og safnar hann að sjer hundunum á staði, sem hreppsnefndirnar hafa útvegað hentugasta í hverjum hreppi og tilkynnir það eigendum hundanna með nægum fyrirvara.